

追想紀言

①

先考卒於文政七甲申歲十二月十六日朝、齡四十七、

于時伯兄二十三、仲兄二十、予年十二、弟八歲、

先妣卒於文政五壬午歲閏正月廿一日夜、齡三十八、

于時伯兄二十一、仲兄十八、予年十歲、季弟六歲、

②

追想、先考性嗜書畫、嘗得沈南蘋畫一幅、甚愛焉、畫則一鹿立苔磯、桃枝斜出其上、而蝙蝠飛其中間之圖也、其筐面題曰「福祿壽圖」、時兒年在十歲左右、視而怪之、無知其所謂也、而終不能忘乎懷、近來偶解其意、曰、福音與蝠通、鹿與祿通、樹與壽通、以故託焉而爲圖也、嗚呼兒得此說、而先考捐背已十餘年、其畫亦值家貧而鬻矣、不知當時在何人處、

③

追想、兒七八歲時、常侍先妣、每夜就寢、必與先妣俱而後睡、先妣晨夕不怠、黽勉紡績、夜則姑與兒同寢、待兒睡而又起、兒或覺之、啼而不止、先妣乃謂兒曰、汝不能須臾離我、我而死、則藉令金其履、而尋逐乎千萬里之外、不可復見也、汝將奈之何、

④

追想、兒幼時、嘗患所謂西目者、日過西則瞢然無視也、先考甚憂之、藥餌無所不至、邑山中有神祠、先考乃祈焉、每日及暮、獨肩兒詣神者、凡數十回、山路昏黑、兒只恐狐狸之爲怪也、當是時、家產富盛、不乏給使、而躬親冒夜、陟跋山路、而不厭其勞、先考之恩、實昊天無極、

⑤

追想、兒幼、記性稍過人、先妣喜之、先考每出行、歸則妣逐一告家事、畢則向兒問曰、猶有遺否、兒乃言之、先妣益喜、

⑥

追想、先考爲人、哲而長、少嬉笑、而重然諾、每燕集、衆皆醉舞酣歌、先考乃裕然色和而已、以故等輩多憚之、其在家、家衆肅然、

⑦ 追想、先妣容貌端嚴、助先考治家、有才幹、尤巧織紵、婚姻通家婦女、至今尚稱之、

⑧ 兒聞諸父老我邑、上國人士來浴城崎溫泉之所、經其途舊在田間、去邑稍遠、邑人或謂、旅客途田間則牛馬艱乎往來、途邑中、則邑人貧者、或鬻酒食、賣草鞋、所利多矣、乃轉途乎邑中、而廢其故道、先考獨憂曰、亦不無少利也、然而上國人士經邑中、則邑中兒女、視而習其奢矣、而博客酒徒、又易乎走聚、則風俗壞敗、衣食窮乏、亦未必不由此也、自然以來數十年、果如其言、父老長者、尚傳其議、先考謀事深遠、大率類此、父老皆歎曰、嗚呼使片山公、則我邑之困乏、未必至今日也、

⑨ 追想、先妣丈政辛巳、罹病、荏苒度日、踰年而少愈、既而又大發、不能飲藥、乃以烏喙陶器、將注藥乎其口、妣視其器而屏之、蓋以垂死病人所常用也、嗚呼此果何心哉、不堪苦酸、

⑩ 去歲兒歸省山陰、聞諸老僕、僕少時、嘗從先考詣讚州象頭山祠、儕輩數人俱焉、路次或遇酒肆、輒將入、先考禁之、至讚州、宿祠下、淹留數日、招妓置酒、淫縱無度、先考乃居止別室、不少亂、館主人、窃囑僕、使誘先考、先考不答、時在燕集中、衆皆沉酣、先考乃頻顧曰、農務將起、浚渠時節已至、邑民望我輩歸日切、而遊惰如此、爲可憂也、僕在坐後、聞之惕然、不復覺酒肉之甜也、既而去、將取途大阪、先考堅執不可、衆皆側目、歸家而後、始悔其過、更互相咎曰、日者吾輩深見狐惑不自知也、而惡片山公、片山公而不在、吾輩豈有今日皆服其篤實謹嚴、終先考之世、此輩適燕集、先考至、則肅然不敢出口發氣、

⑪ 追想、先妣甚好象戲、而不敢爲、及臥病、間則召兒共對局、互有勝負、其笑語運馬、宛然至今猶在目前、

⑫ 追想、先考中年只在「家」、指「揮奴僕」、躬親執「耒耜」者矣、記兒七八歲、偶從「先考」往「隴畝」、先考耕「乎前」、兒播「菽實」、先考乃從而耰「之」、風和日暖、父子相得、樂「乎青桑之下」、

⑬ 追想、兒九歲始蓄「髮」、十歲時、頂上稍長者、纔可「麻結」、先妣乃扶「病踞」胡床「出」、其少時「自剪」髮少許、合而結「之」、以消「病床之間」也、兒今言「之」、豈可「堪」情、

⑭ 邑有「大川」、堰而灌「之」乎田、夏秋之間、雨水暴至、堰或敗決、乃從而修「之」、邑人不「堪」其費、借貸以繼「之」、既而子本相倍、不「能」償「之」、邑人以爲「患」、先考與「交老」議、措置有「方」、漸爲「之圖」、未「終」而先考卒、其方亦從而廢、竟不「能」償、父老至「今稱」先考之德、追惜不「止」云、

⑮ 追想、先考患「痔疾」、隆冬盛塞、夜或上「厨」、頃焉而還、兒覺而知「之」、每輒傷「心」、

⑯ 追想、隣家有「老嫗」、先妣善視「之」、常慰曰、我而不「死」、豈使「汝至」困乏失「所哉」、既而先妣先「嫗」而卒、嫗嘗向「兒」、猶稱「此言」、深感「先妣之恩」、不「覺」涕泣、兒亦爲「之」愀然、乃探「囊中出」、金一銖、與「其子」、使「其求」所「嗜者」供「之」、尋而嫗亦死、天保庚子七月廿三日、不肖池田緝識、

⑰ 追想、先妣疾革、親戚咸集、先妣呼「兒名」者再、曰歌也歌也、先考乃呼「兒令」進、兒進而不「能」復言「也」、嗟乎經「二十年之久」、緯想「念此事」、恍然猶「其聲在」耳、歌者緝之小字也、天保辛丑七月二十三夜、燈下記、